

FPP BizNewz

January - May 2025

MANAGEMENT • INVESTMENT • ECONOMICS • ENTREPRENEURSHIP • TECHNOLOGY

DIGITAL MARKETING
in a digital age

BRAIN DRAIN

A Point of View in Malaysia

**MENTAL
HEALTH**

Bagaimanakah Penularan

**PLANKTON
MERBAHAYA**

*Memberi Kesan kepada
Usahawan Pesisiran Pantai*

**BULUT
LUNING**



**PERANAN
MAJIKAN
DALAM
MENANGANI
TEKANAN KERJA
PEKERJA**

BUBU NAGA

Sekat Rezeki Nelayan Tradisional

**MOTIVATING
MINDS**

*How Lecturers Can Use Positive
Reinforcement to Boost*

HUTANG
Kawan atau Lawan?

Unik tapi Benar
KANTUNG MADU KELULUT BERBEZA

RINTANGAN INSULIN

Punca, Risiko dan Hubungannya dengan Diabetes

eISSN 2600-9811



9 772600 981003

Publication Date

1 June 2025

Ayah Kami



A
lhamdulillah,
Enaknya, lauk hari ini,
Oh ye, teringat ayah di rumah.

“Kak, bungkus satu ikan singgang, dan satu ikan bakar”.

Ayahku suka makan nasi bersama ikan cicah budu, hmm... lazatnya.

Aku pun terliur pula, ooh...

“Kak tambah satu lagi ikan”.

Boleh aku makan kali kedua, bersama ayah tercinta.

Subhanallah,
nikmatnya lauk hari ini.

Oh ye, aku juga teringat ayah di rumah.

“Kak, bungkus satu ayam golek, dan satu ayam bakar”.

Ayahku suka makan bersama nasi kerabu, hmm... lazatnya.

Aku pun terliur pula, ooh...”kak tambah satu lagi”.

Boleh aku makan pula bersama ayah tersayang.

Allahu Akbar,
sedapnya lauk hari ini.

Oh ye, tentu ayahku di rumah kepingin juga.

“Kak, bungkus satu masak lemak jambu golok, dan acar umbut sawit”.

Ayahku suka makan nasi bersama sambal lada.

Hmm... lazatnya.

Aku pun terliur pula, ooh...

“Kak tambah satu lagi ikan bakar”, boleh aku makan pula bersama ayah yang dikasihi

Wahai kakak-kakak ku yg sedang menjamu selera dan ada yg mengelamun.

Wahai kekanda Anisa,
Jauhnya mengelamun,
rindukan siapa tu?

Oh, ku teringat ayahku.

Aku teringat masa remajaku, sebelum ku menerima seorang lelaki dalam hidupku.

Ku bertanya pada ayah.

“Ayah, ayah, berapakah gaji, dan hantaran seorang lelaki, perlu ada, untuk meminangku?”

Lalu, apakah jawapan ayah?

Jawapan ayah ialah,

“Ayah tidak kisah, berapapun gaji bakal suamimu”.

Tapi ku tanya ayah lagi.

“Minima gaji RM2000 ke?

Atau gaji RM700 ke?”

“Pasti RM2000 kan?”

“Tidak, itu bukan jawapannya”.

Oh terkejut, ku dengar jawapan ayah.

Lantas, apakah jawapannya.

Masih lagi terdengar-dengar, suara ayah menyatakan, “asalkan bakal suami mu baik”.

Alhamdulillah,

apabila ada calon dihati,
tak perlu risau gaji mereka,
hanya cuba pastikan,
lelaki itu baik,

In shaa Allah,
rezeki suami yang soleh,
diberkati oleh Allah.

Pengalaman ayah,
yang sangat mendalam,
dan agak berbeza,
memberikan jawapan
yang menenangkan diriku, jiwaku,
kerana risau juga,
kalau ayah tidak menerima calon pilihanku,
yang belum habis belajar,
dan hanya ada kerja sementara.

Wahai Najah,

Ku lihat tiada gelak tawa,
tiada senyuman terukir di bibirmu.

“Ayahku telah pulang”.

“Oh, belikan saja makanan kesukaan ayah,
pasti ayah gembira”.

“Ya, belikan ayam golek dan ikan bakar
kesukaan ayah kekanda”.

“Ayahku tidak ingin semua itu lagi.
Ayahku telah pulang kerahmatullah.
Kini, ku tak bisa, dengar tawa ayah.
Ku tak bisa, lihat senyum ayah.
Ku tak bisa, dengar nasihat ayah.
Ku tak bisa, dakap ayahku”.

Innalillahi wainnailahirajiun... Adinda Khalisa dan
kekanda Anisa juga telah kehilangan ayah tercinta.

Ayah adalah pahlawan dalam kehidupan kami,
sosok tubuh yang sangat luar biasa,
dalam kehidupan maya,
sebelum ke alam kubur.

Ayah kami,
inginkan doa dari anak-anak, agar mereka
diampunkan dosa, diberikan ketenangan
di alam barzakh,
dan kedamaian yang abadi.

Berbakti kepada ayah tidak berakhir,
ketika ayah meninggalkan dunia ini.

Memohonkan ampunan,
serta rahmat dari Allah,
untuk perjalanan sang ayah,
di alam akhirat.

Kehilanganmu, ayah,
adalah pengingat untukku,
bahawa dunia ini hanya sementara.

"Semoga Allah menerangi kubur ayah dan
melapangkan jalan menuju syurga-Nya."

Setiap doa & infaq sedekah dirangkai dengan
penuh cinta dan ketulusan,
mencerminkan rasa rindu yang mendalam,
dan harapan agar sang ayah mendapatkan
tempat terbaik di sisi Allah.

Marilah kita berinfaq atas nama ayah.

"Ayah, semoga Allah menempatkanmu di
syurga-Nya dan menjadikan kita berkumpul
kembali suatu hari nanti."

-Selesai-

Terima kasih, Semoga sajak ini dapat
menjadi sumber inspirasi bagi mereka
yang sedang merasakan kehilangan
seorang ayah.

Ayah Kami

Wan Anisabanum Salleh*, Najah Lukman dan Khalisa Khalid

Fakulti Pengurusan dan Perniagaan
Universiti Teknologi MARA Cawangan Terengganu, Terengganu, Malaysia

*Emel Koresponden: wananisa@uitm.edu.my



**Sajak ini telah dideklamasikan di Majlis Akademia
Inspirasiku 3.0, Hotel UiTM Dungun.**



BizNewz 2025
Faculty of Business and Management
Universiti Teknologi MARA Cawangan Terengganu, Kampus Dungun
Sura Hujung, 23000 Dungun, Terengganu, MALAYSIA
Tel: +609-8400400
Fax: +609-8403777
Email: biznewzuitm@gmail.com